

1

Bàu hmàih ka oh daq

¹ Simôn Phiero , mangai hapõng xam mangai Tiaq cla da Chuaq Jesus Christ , achih am ka bài mangai ma hadai khoe jah manoh lùì lem linh qmang ka da nhèn , canòm ajang kan taq atoq da Boc Plinh xam da Chuaq Jesus Christ , aih Chuaq dèch bèn . ² waiq kan tabàih dech xam kan catèm jah am tam ka oh daq rai èh rai bác , majah qmang aih pàng manòeq kô oh daq khoe loq ka Boc Plinh xam Chuaq Jesus Christ , aih Chuaq da bèn .

Boc Plinh khoe am ka bèn rìm yiniq

³ Cwìang itai da Boc Plinh khoe am rìm yiniq bèn ma waq ka i ta kan rìh loq iu yùq . Broq bèn loq ka Mangai yõc kan ranhòm xam kan loq hanò òòeq creò ka bèn , ⁴ èh hadai taiq kan ranhòm xam kan loq hanò aih haq am tam bàu tèo hòm ka bèn tabài yiniq ma òìq jaq kàn òìq jaq lem , canòm ajang aih òòeq bèn jah claih ka kan om ech loh enh manoh cla ma loq ònh , òòeq wìa mangai i kan rìh da Boc Plinh ⁵ Aih ìq, òìq oh daq majah ep àu òìq ka padren òòeq tam ka manoh lùì kan lem manoh , tam ka kan lem manoh kan hõc loq , ⁶ tam ka kan hõc loq kan amàn , tam ka kan amàn kan loq kềm , tam ka kan loq kềm kan loq iu yùq , ⁷ tam ka kan loq iu yùq kan loq waq ka oh daq , tam ka kan loq waq oh daq kan alàng . ⁸ tàng joq rìm yiniq kô tòm taih ùh òìq ùh òìq ta oh daq , bài yiniq kô blinh ùh òòeq ka oh daq oe dech ùh loh plì ta kan canau loq ka Chuaq Jesus Christ bèn . ⁹ Mahaq tàng cabò ùh i ka bài yiniq kô , haq loh mangai hnoq ùh hangai , loh mangai ùh xau , hèt ka raðeh khoe jah broq hreo dèh ka yiniq lui enh nèh . ¹⁰ Qmang aih , oh daq ep àu òòeq broq ka cajap trong Chuaq ma khoe creò khoe ràih pì . Tàng oh daq broq bài yiniq kô , aih èh oh daq ùh hìaq catoeh cro . ¹¹ aih èh , oh daq jah òìh qmoè ka laq alàng mùt ta òìac halinh mòeq òòeq da Jesus Christ aih Chuaq da bèn , aih Mangai dèch bèn .

¹² Qmang aih , yac ka oh daq khoe loq khoe cajap deh trong joq qnàng kô , mahaq dua au ùh hêq ka bahmàng hlài bài biac kô ka oh daq . ¹³ Mahaq waq toq au oe raq ta hnìm ranòh kô pang leq , au ngan trong au ma yõc bàu anoe òòeq hu pariaq oh daq aih trong au ep broq . ¹⁴ majah qmang aih au loq raðeh ep rênh loh khoe ka hnìm ranòh kô , wop tiah qmang ka Jesus Christ aih Chuaq da bèn khoe òòeq ka au . ¹⁵ Au àu broq òìq dèh ka padren òòeq atiq ka jò au khoe loh lam , oh daq ùh hèt ka bài yiniq au khoe anoe kô . ¹⁶ Qmang aih , jò nhèn broq ka oh daq loq cwìang itai xam biac Chuaq Jesus Christ bèn trùh , aih ùh xài nhèn rabiaq ka qmon lìq , mahaq mat cla nhèn khoe hnoq qmòeq kan ranhòm haq . ¹⁷ Majah qmang aih Haq khoe jah kan ranhòm xam kan qngah qngai enh Boc Plinh , aih Baq da haq , jò Boc Plinh ma òìq jaq haqnèq òòeq ka haq “ Kô Kon au ma loq waq dèh , lem manoh au rìm trong . ” ¹⁸ Cla nhèn hadai tàng qmòeq bàu aih loh enh plinh , jò nhèn ma oe ti haq ta wang hadròeh . ¹⁹ Aih ìq , kiang nhèn lùì tam bàu bài pajàu ùh hnau hòm , oh daq khòh hmàng ka bàu aih , tiah ka hadreo sreo tanòeq clam cluiq , trùh jò dahì hi loh , trùh jò halõng sroq tõe ta manoh pì . ²⁰ Adroe òìq òòeq oh daq ep loq rameh , ùh i bàu pajàu leq ta hset Hadròeh kô bèn jah yõc manoh da cla òòeq hu anoe hnài . ²¹ Majah qmang aih , ùh i ka bàu pajàu leq ma loh enh manoh cla kon mangai , mahaq aih jao Yiang Hadròeh mahnu ta manoh wì haq , òìq wì ma khoe capoch qnoh bàu Boc Plinh .

2

Bài pajàu patiah

¹ Yac ka qmang aih , enh nèh raq khoe i bài mangai pajàu patiah oe taqne oh daq , aih èh hadai i mangai hnài patiah oe taqne oh daq , wì haq hnài trong patiah òòeq ti habo , caðac Chuaq ma

khoe baxon hlài rađeh , taqmac yôc ka rađeh kan raliang ùh tem hnoq . ² I bàc ngai top dua wì haq ta trong rih acaq ma jiang ka camaih , jao bài aih dài wì majah halê patah đac trong joq qnàng . ³ Wì haq tiaq deh kan plai ta manoh , yôc bàu pajiang ðòeq aluàn oh daq ðòeq hujah lòeq , mahaq kan tah hadrah gòm ðòeq wì haq khoe dùnh , kan raliang da wì haq ùh i panoc . ⁴ Majah qmang aih , tàng joq Boc Plinh khoe ùh adênh ka bài bình plinh broq yiniq lui , mahaq khwênh caqniñ bài aih ta hwin jrùq , yôc kaxi datoeq kàt ðòeq bài aih tanòe clam cluiq ðòeq gòm kan hadrah . ⁵ tàng joq Haq khoe ùh adênh ka crông taneh calah nêh . jò haq ma thê diac kàn trùh glua đồng bài mangai ma ngang dù aih , rong ðòeq toq No-ê aih mangai hnài trong taq atoq , xam tapêh ngai qnoeq hòh . ⁶ tàng joq Haq khoe hadrah gùng Sôđôm xam gùng Gomôro , bủh đac gùng aih loh đồng loc , ðòeq broq dua ka mangai ngang dù taqnhông atiq hu hnoq . ⁷ tàng joq Haq khoe paclaih Lot aih mangai taq atoq , mangai ma toq mangò đeh ka trong rih acaq ùh lem da bài mangai ngang dù tau , ⁸ (majah mangai taq atoq kô rih taqne wì aih , don tàng ,mat hnoq kan ùh wia da wì aih , manoh cliac taq atoq da haq jiq qmòe rìm hi) ⁹ Qmang aih , Chuaq dèch mangai ma loq iu yùq ka haq claih enh kan padô qnùt , rai baxa bài mangai ùh taq atoq , clêh padràng wì aih ðòeq gòm trùh hi tah hadrah . ¹⁰ ta aih kiang bài mangai ma iu tiaq deh manoh cla ònh toq kan ùh wia , jù đac cwiang enh qnhêq . Bài aih ùh yùq ka catêh rađeh , ùh hòq ka capoch qmêq ka wì craq . ¹¹ yac ka bình plinh aih bài yiang ma dêh padren i cwiang itai yeo hnau ka wì haq dua ùh hùà i mòeq nà bàu capoch brùaq jò hadrah ka wì craq enh ngèa ka Chuaq . ¹² Bài aih toq ti jù halê đac trong đêh ma ùh qnì , wì haq budàng ngè wì ma ban ta hnim ùh i ka manoh loq hêm cleq , xêh loh ðòeq toq hu rùp broq jam , wì aih hadai cachit lùch qmang ka bài ngè aih diq , qmang aih wì haq jah baha tiaq dèh trong dù wì haq khoe broq . ¹³ Wì haq yôc trong acaq ôq búbìa dahì broq kan hyòq bùi , wì haq aih bài habau qmêq bài kan amùà , enh toq ti amòng jò haqngui acaq yiniang ti oh daq . ¹⁴ mat da wì haq bình toq kan tango , wì haq ùh hêq ka broq yiniq lui , padô aluàn mangai ma ùh qnhrang manoh , wì haq hmòt toq trong daiq plai , bài aih troq toq ka ra-òh hamaiq đac raq . ¹⁵ Wì haq khoe cađac trong ma hnhuh jang ðòeq lam hwang tiaq trong da Bala-am , kon calô da Bôso , aih mangai daiq ka kùng baha enh kan dù , mahaq , haq aih khoe ep tàng bàu cwò jò haq broq trong dù . ¹⁶ aih bàu loh enh hacùng kon lùà aih ngè lâu jah capoch bàu mangai , ðòeq tât padràng kan ranhùà ratùt da pajàu aih . ¹⁷ Bài aih tiah ka thông ùh i ka diac , tiah ka yùc glàm cayeo dêh hlui đac , èh kan clam cluiq khoe rap ðòeq wì haq . ¹⁸ Wì haq yôc toq bàu catêh pajiang dech raq , yôc deh kan ònh da xech akia xam trong tango anang ðòeq padô bài mangai maneo claih enh trong ùh troq aih . ¹⁹ wì haq têu am kan paclaih , yàng cla wì haq aih broq dic ka kan om ech , majah qmang aih i yiniq cleq ma khoe blêq kon mangai , aih èh kon mangai ep broq dic ka yiniq aih . ²⁰ Majah qmang aih , tàng wì haq khoe canòm ka Chuaq dèch bèn aih la Jesus Christ ðòeq claih kan amùà da crông taneh kô , yàng tawih hlài hu broq dic bài trong aih hòh , hi atiq da wì haq aih èh yeo hamoq loe ka jò baxêm hòh . ²¹ Wì haq khoe loq ka trong taq atoq , yàng èh talùi đac ka bàu hadròeh ma khoe hnài rađeh , qmang aih ùh qnì đồng aih yeo lem hòh . ²² Wì haq joq khoe wop qmang ka bàu aliah : Koq liah hlài dèh hac , chùà khoe dahùm èh catàm hlài ta tráp.

3

Hì Chuaq wìh hlài

¹ Yôi oh daq da au , kô aih yàng baiq au achih jàiq ka oh daq . Ta jàiq kô xam jàiq ma adroe , au àu chaq trong ðòeq bahmàng rai pariaq manoh lem da oh daq . ² au enh pì hmàng hlài diq ka bàu pajàu hadròeh khoe anoe calah nêh xam bàu thê da Chuaq , aih la Chuaq dèch bèn haq khoe thê bài mangai tiaq cla da haq khoe anoe hnài . ³ Angoe aih ep loq rameh , taqnhông atiq lùch èh i bàc ngai loq halê patah , yôc bàu do racaih , rih tiaq dèh kan loq ònh da manoh cla , ⁴ trùh doe : Aleq bàu Chuaq ma doe haq trùh hlài , bàu aih taleq ? Majah qmang aih enh qnhông bài boc yaq

nhèn cachit enh nêh trùh manòeq , rìm yiniq dua oe raq qmang ka jò baxèm i plinh crông taneh ?
⁵ Wì haq to ùh hmàng , canòm ka bàu Boc Plinh men i plinh i crông taneh , taneh wìa enh diac ,
khoe loh enh qne diac , ⁶ crông taneh qnhòng aih hadai khoe raliang ka diac aih , haq khoe cram
ka diac kàn . ⁷ Mahaq plinh crông taneh qnhòng aih hadai canòm ka bàu aih men oe trùh
mamòeq , hu ðòeq padon am ka ùnh , ùnh jah baxù cađac haq ta hì tah hadrah ðòeq raliang đac
mangai dù . ⁸ Mahaq oh daq da au , apaq hêt mòeq yiniq kô , enh ngèa Chuaq mòeq hì budiang
mòeq muàn hanam , mòeq muàn hanam budàng mòeq hì . ⁹ Chuaq ùh batrò dèh bàu haq ma khoe
anoe qmang ka wì tau ma xoh , mahaq Haq khoe chiùq àt ka oh daq , ùh enh mòeq ngai leq
cachit hnhung , mahaq enh ka rìm ngai loq raxach wìh hlài . ¹⁰ Mahaq hì da Chuaq tiah ka
mangai atùng . Jò aih èh , i atêh gruàng mòeq qmang ka dèh , èh bài caqnàm plinh hì hnhung
dông , rìm yiniq ta aih ùnh bùh dông , taneh xam rìm yiniq enh crông taneh hadai ùnh bùh diq
dông . ¹¹ Rìm yiniq diq ep palùng cađac qmang aih , ha oh daq kô èh ep rih qmang leq? Oh daq
kiang ep rih hadròeh rai iu yùq Boc Plinh . ¹² jò oh daq qnang tangèh gòm hì da Boc Plinh rên
trùh , aih hì ùnh ma bùh đac diq dông caqnàm plinh xam rìm yiniq ta aih diq cheo wiac dông . ¹³
Mahaq tiaq bàu Haq ma khoe têu ,bèn tangèh gòm tróc neo , taneh neo , aih nòe da kan taq ataq
rih oe .

¹⁴ Qmang aih , diq ka oh daq da au , aih raq yiniq oh daq ma tangèh gòm , dài oh daq majah ep
diq ka padren wèq rađeh, ðòeq Chuaq hnoq oh daq rih acaq catèm ùh hìaq i xit i habau , ùh i
ajang leq ep cwò . ¹⁵ Khoe aih , ep ngan loq rameh Chuaq da bèn chiùq àt ka dùnh aih ðòeq hu
jah dèch oh daq , tiah ka Phaulô , oh daq ma haten hatia da bèn , khoe yóc kan rabiaq Boc Plinh
am ka rađeh hu achih jàiq ka oh daq . ¹⁶ Ta rìm yàng achih ka oh daq , haq hadai ràu trùh bài
trong aih , ta aih i tang nòe xa ka loq tàng , dài bài mangai ma blùng ùh cajap manoh lùì , wì yóc
jang aih ðòeq capoch patah đac taqnoeq , tiah ka wì haq khoe capoch liq ajang noeq oe ta hset
Hadròeh diq , taqmac yóc ka rađeh kan raliang hnhung .

¹⁷ Qmang aih , oh daq da au , pàng oh daq khoe jah loq adroe , oh daq ep wèq rađeh ma rabiaq
haq oq , yùq èh tabeq oh daq troq kan camit enh bài mangai dù aih padô. Cađac hnhung kan
cajap da rađeh ¹⁸ Drah rai kàn ta kan tabàih dech xam ta kan loq ka Chuaq xam Chuaq dèch bèn ,
aih la Chuaq Jesus Christ .

Waiq kan ranhòm hlài diq ta Chuaq enh qnhòng manòeq trùh hloe ta calah mòeq ðòe ! Amen .